

Kaiserkogelhütte 1919 – 2019

*Zu 100 Jahr Kaiserkogelhütt'n hob i mir Gedonk'n g'mocht
und a kloans Gedicht dazua zaumbrocht.*

*An Naum sollt ma dem a geben,
i nenn's gaunz oafoch „Des Leben“.*

*Unsa Leb'n is monches moi a host'n,
oft ohne Ruah und ohne rost'n.*

*So suach'n monche meistens vergebens,
noch dem wohren Sinn des Lebens.*

*Der Oane strebt noch purer Mocht,
a Ondra is darauf bedocht,
beim Sport Erfolge zu erlangen,
und is von diesem Ziel gefangen.*

*Der Dritte jogt noch Geld und Gut,
voll Zähigkeit und stiller Wut.*

*Und wenn's ois Vorteil ihm erscheint,
betrügt er seinen besten Freund.*

*Der Nächste denkt die Politik,
schenkt eam des erhoffte Glick.*

*Und der Ondere wiederum,
bringt si bei der Orbeit um.*

*Is daun de Lebenszeit verflossen,
bemerkt er gaunz verdrossen,
dass ned erfolgsgekrönt sein Streben,
für sinnlos hält er nun sein Leben.*

*Drum Leitln deit's ned nur host'n,
sondern monches moi a rost'n.*

*De beste Gelegenheit dazua gonz schei,
tuat do heroben bei der Bärbl sei.*

*Tuats daun do heroben sei,
tua di über de schene Hoamat gfrei.*

*De Bauern dan Grund und
Bod'n ned nua verwolt'n,
sondern mit eanan
Fleiß so schen gestolt'n.*

*Leit de dadurch gern am Berg dan geh,
tua i feststön, dann gaunz G'miatliche sei.*

*Drum tua is ned gaunz versteh',
dass a jed's Auto von an Waundera
a Problem tat sei.*

*Mit so ana Einstellung hot ma ned amoi
sei Ruah in da Nocht,
kauma ned versteh', dass des glickli mocht.*

*Umgekehrt sollt' a Waundera nix
daunischmeißn'
und sei Hund ned da Kuah
ins Fuada scheiß'n.*

*„S'Leb'n“ darat problemlos sei,
wonn a jeda in ondern sei Seit'n tat versteh'.*

*De poar Gedank'n wollt i nur mitgeb'n,
zum Nochdenk'n für a guats Zaummenleb'n.*

*Jo deit's weita oft do am Kaiserkogel auffageh',
ned glei wo aunders is so wundersche.*

*Do konnst goa ned so weit forn oder fliag'n,
damitst so schene Stund'n dadast kriag'n.*

*Tuast koa Umwelt dabei verpest'n,
host bei dem Thema a weiße West'n.*

*Drum genieße weiter do bei da Bärbl
und ihrem Team dei Leb'n,
den nächsten Tog kaunst wieder streb'n.*

*Genieße do heroben de guade Kost
und dazua a Glaserl Most.*

